


اليوم ٢١ من رأيت الله ♥

مشكله من اللامشكله... ابتلاء فجأة... لخبطه في الخطط... إحباط... دعاء... دعاء... دعاء...  
ربنا يلهمك الحل... ويوفقك عباده... وينور بصيرتك... تقرب تتحل... عقبات لاتنتهي... دعاء... يارب...  
فجأة تقف مع نفسك شويه... المشكله مجرد طوبه في طريق حياتك... ليه؟؟... إحباط... دعاء... إلهام وثقة بالله...  
وفجأة...  
تتحل المشكله ولا كأنها حصلت..

فرحه كبيره وشكر لله... حب للناس اللي ساعدتك... إحساس بالأمان ان ربنا مش سايبك لوحك... إحساس كبير من قربك من ربنا... إحساس أكبر بوجود الله في حياتك...  
المشكله رساله من الله عشان تشوفه... بيقولك أنا معاك... بيحسسك بكل الأحاسيس دي... عشان يوصلك للسعاده...  
لولا المشكله مكنتش شفت ربنا... والحمد لله رأيت الله... ونعم بالله ♥



اليوم ٢٠ من رأيت الله ♥

العبد المبتلى محظوظ بقدر رضاه بالبلاء وتقبله لمشيئة الله...ازاي؟؟؟  
لو عندك يوم دراسي واحد من ٨ الصبح لغاية ٥ بعد الظهر...وتقييمك هيكون عن طريق اختيار من تلاته ٢٠ امتحان سهل أو  
١٠ بس أصعب شوية والا امتحان واحد صعب جدا ( كل ده في خلال اليوم)  
فكر كويس...بس وانت حاطط في دماغك إن الممتحن هو الله عز وجل وأن العلم والمعلم هو الله عز وجل وأن صعوبة  
الإمتحان حسب مقدرتك زي ما قال الله عز وجل وأن نجاحك وتخطيت للإمتحان هو تقديرك ورؤيتك لقدرة الله...ونعم بالله ♥

يا عبد إذا رأيتني فأقمت في رؤيتي بلوتك بالبلاء كله وحملتك  
بالعزم كله فلم تزل في مقامك . . . وإن لم تقم في رؤيتي بلوتك  
ببعض البلاء وأعجزتك عن العزم فذقت طعم البعد فاستخرجت  
منك بالعجز لرحمتي لك استغاثة فحملتك بالاستغاثة إلى الرؤية .

اليوم ١٩ من رأيت الله

لما هتلاقي نفسك قابل الإبتلاء بنفس راضية هتعرف أنك الحمد لله عرفت ربنا... عرفت ان الإبتلاء رسالة عشان تعرف أنه  
معاك وأنه أقرب لك من نفسك لنفسك... ونعم بالله

من عرفني فلا عيش له إلا في معرفتي . . . إذا رأيتها  
إذا عرفتنى فخف مكرى . . تعرف مكرى من غيرتى . . إذا رأيتها  
تحوشك إلى وإلى سبيلي فقد قر قرار حكمتك وأنار هدى هدايتك  
تمسك بها وأصلك من واصل وجانبك من جانب فهي دليلي الذي  
لا يتيه وتديري الذي لا يحيد .

اليوم ١٨ من رأيت الله

وايه اللي بعد العلم؟؟؟ ولية العلم؟؟ ولية التأمل؟؟ وأيه الحكمة من كل ده؟؟؟  
الإجابة مش جملة ولا حتى جمل... الإجابة في الحياة نفسها... في تجارب الناس... في حكمة ربنا في خلقه... في كل لحظة  
صعبة بتواجهها... في كل أزمة بتمر عليك...  
العلم ده مجرد البداية... عشان توصل للمعرفة... العلم هو مجموعة الخيوط اللي هتنسج المعرفة... معرفتك لإجابة  
السؤال... والإجابة هي الله... ونعم بالله

العلم كله طرقا . . ما إلى المعرفة طريق ولا طرقا . . المعرفة  
مستقر الغايات ومنتهى النهايات . . إذا استقررت في المعرفة  
كشفت لك عين اليقين بي فشهدتني فغابت المعرفة وغبت عن  
نفسك وعن حكم المعرفة . . إذا لم تحكم عليك المعرفة فأنا الذي  
أحكم . . وقد أدركت بذلك مبلغ العلم ووجب عليك النطق  
فانتظر إذني . . علامة إذني لك في النطق أن تشهد غضبي أن  
صمت وتشهد زوال غضبي أن نطقت ( المعرفة دائماً ترد في الكتاب  
على أنها أرقى من العلم لأنها إدراك للحقائق الكلية بينما العلم هو  
إدراك المسائل الجزئية . . أما الشهود فهو أرقى من الاثنين لأنه مكابدة  
الحقيقة ومباشرتها ومعاناتها بالقلب فهو رؤية والرؤية أعلى درجات  
اليقين ) .

اليوم ١٧ من رأيت الله ♥

جرب تتأمل وجرب تفكر...هتلاقي كل الخيوط بتوصل لخالق واحد...تدبر مقاديره وحكمته...شويه شويه هتلاقي روحك  
اتغيرت ومعرفتك بالدنيا اتغيرت وتقبلك لأحوال الدنيا وتقبلاتها زاد...مش هتشوف غير إرادة ربنا في كل شئ حواليك....هتبقى  
جسر تعدي بيه وتساعد غيرك انه يعدي بيه كل حاجه عشان يوصل للبر الثاني بسلام...ونعم بالله ♥

يا عبد قل لبيك وسعديك والخير بك ومنك وإليك وبيديك .  
يا عبد اصحبنى إلى تصل إلى .  
يا عبد ألق الاختيار ألق المؤاخذة ألبته .  
يا عبد إذا رأيتنى فالسوى كله ذنب .  
يا عبد أحببتك فحللت فى معرفتك بكل شىء فعرفتنى وأنكرت  
كل شىء .  
يا عبد إذا رأيتنى فكن فى الغيبة كالجسر يعبر عليه كل شىء  
ولا يقف .

اليوم ١٦ من رأيت الله

من أحلى الجمل فى الكتاب كله (يا عبد إذا رأيتنى فى الضدين رؤية واحدة فقد اصطفيتك لنفسى)...مش بين يوم وليلة هتعرف  
تتعامل مع الضدين بنفس الرضا....الموضوع محتاج تفكير وتدريب...تأمل رهيب لأحداث الدنيا وأحداث حياتك  
وترتيباتها...مجاهده مع النفس بالاحساس ومجاهده مع النفس بالتأمل....وقبل وبعد ده كله هداية ربنا.

اليوم اللي هتلاقى انك راضى بالابتلاء نفس رضاك بالرزق...قول ونعم بالله

يا عبد إذا رأيتنى فى الضدين رؤية واحدة فقد اصطفيتك لنفسى .

اليوم ١٥ من رأيت الله

ناس كتير نفسها سيئة وأفعالها سيئة وضمائرها سيئة وسبحان الله ربنا رازقهم العلم والمال والبنون...لو شفت كده وقلت ليه  
يارب ببقى لسه معرفتوش ومشفتهوش....هتشوف ربنا لما تحس بحبه لعباده الصالحين...الحب الحقيقى مش حب أهل  
الدنيا....والله ركز شويه وهتعرف ان العبد الصالح أكثر حظا فى الدنيا والآخرة بإذن الله...ونعم بالله

يا عبد لن تعرفني حتى تراني أوتى الدنيا أرغد وأهنا ما عرفت من  
الدنيا لعبد عصي . . فترضى بما زويت عنك وتعلم أنى زويت عنك  
إعراضى وزويت حجابى . يا عبد ميعاد ما بينك وبين أهل الدنيا  
أن تزول الدنيا فترى أين أنت وأين أهل الدنيا

اليوم ١٤ من رأيت الله

لو الظروف شددت والدنيا خربت من حواليك... الناس بعدت عنك وكل حاجة بقت من سئ لأسوأ... جازي في لحظه تضعف  
وتعترض... بس أوعى تياأس من ترتيب ربنا... فكر كويس وهتلاقى ان جواك يقين ان مفيش حاجة صدف وكل ده من حكم الله  
وتدابيره... ونعم بالله

يا عبد لا تياأس منى فتبرا منك ذمتى . . كيف تياأس منى وفى قلبك  
سفيرى ومُتحدِثى .

اليوم ١٣ من رأيت الله

بدل ماتمشي في سكة ربنا يسخرلك شخص يوقفهالك... أيوه بيسخره... وتتضايق وتتقهر بس بعد شويه تلاقى ان التجربة علمتك  
كتيبيبيبيبير... خللي بالك اختيار ربنا ليك بأنه يطلعك على العلم ده مش سهل... ده اختبار كبير عشان يشوفك هتعمل بيع  
ايه... وتقيد بيه مين... ونعم بالله

علامة مغفرتى فى البلاء أن أجعله سبباً لعلم . .  
عذرت من أجهلته بالجهل ، مكرت بمن أجهلته بالعلم .

اليوم ١٢ من رأيت الله

العلم هو محاولة لفهم الحقيقة... والحقيقة الوحيدة في الدنيا هو الله سبحانه وتعالى... لو لقيت العلم بيقرّب قلبك وروحك لأنك تردد  
سبحان الله فده معناه انك بتتعلم... أما أن العلم يبقى هو الغاية وهو الوسيلة... هنا أقف شويه سكتك غلط... بالنسبة لك هي  
الغلط... ونعم بالله

ومنتهى العلم أن يرد العقل جميع الجزئيات وجميع الظواهر إلى  
الواحد إلى الله خالقها . . . ومن ثم تبدأ معرفته فيسمى عارفاً . . . والمعرفة  
عند الصوفي أرقى من العلم . . . لأنها معرفة الله . . . معرفة الواحد في صفاته  
وأسمائه وأفعاله وتقديسه وتنزيهه . . .  
يقول الله . . .  
يا عبد إن يخرجك العلم عن العلم فأنت في طريقك إلى معرفة ،  
وإن لم تدخل بالعلم إلا في علم فأنت في حجاب من علم . . .  
ومنتهى المعرفة أن يدرك العارف حيرته وجهله أمام الذات الإلهية  
وكنهها وماهيتها ، ويكتشف أن العجز عن إدراكها هو عين إدراكها . . .  
وأن الجهل هنا هو منتهى المعرفة للذي ليس كمثلته شيء . . .

ليوم ١١ من رأيت الله ♥

جرب مرة في عز الأزمات تفكر بعقلك وبس... أما روحك فسلمها لله وأتكلم معه وأطلبه منه العون وأنت واثق ومسلم أنه هو  
المدبر الوحيد لكل أزمة وهو المخلص الوحيد من كل أزمة... أفهم السبب في المشكله وأنت مع الناس... بس قلبك وروحك حس  
بيهم المعنى والمغزى من كل مشكله... كن مع الله يكن معك... ونعم بالله ♥

يقول الله لعبده . . . وقلبة بيحبه لا يكلمك الا بالحق  
هو أن تُسلم إلى بقلبك وتُسلم إلى الوسائط بيدتك .  
أن تكون معي بهمك ومع سواي بعقلك . . فتكون دائماً بمجموع  
الهم على لاحظ لغيري فيك إلا حضورك معه بعقلك فقط . . فلا تأس  
على ما فاتك ولا تفرح بما آتاك ولا تغضب ممن أساءك ولا تزّه بنجاحك  
ولا تفتخر بمكانك ولا تتكبر بعلمك . ولا تغترّ بنعمتي ولا تياس لبلائي . .  
ولا تستفرك المستفرك من دوني . . .  
هو أن تمضي لما أمرتك دون أن تُعقب فيكون شأنك شأن ملائكة  
العزائم .  
إن انتظرت لأمرى علمك لأمرى فقد عصيت أمرى .

اليوم العاشر من رأيت الله ♥

إبتلاءات واحده ورا الثانيه في أهل وفي صحاب وفي صحة وفي شغل . . . ورا بعض ورا بعض . . . مش لاحق تاخذ  
نفسك . . . وكأنها مؤامرة كونية عظمى . . . تبدأ تقول ده نحس وواحد يقولك خللي بالك ده شكله حد عامل لك عمل . . . وهنا برود  
قدامك حلين . . . تتشائم وتكره نفسك والدنيا بحالها . . . أو . . . تتأمل . . . أيوه تتأمل ليه أنا؟؟؟؟  
شوية تركيز هتلاقي ان ربنا عايزه تشوفه . . . مهى لولا الوقفات دي مكنتش هتفكر . . . أيوه أنت ربنا بيحبك . . . ونعم بالله ♥

فلامتحاني لك ابتليتك بشهوة لا تثبت في حكمك ولا تقوم في  
مقامك . . . فصفتك البشرية هي التي تميل وهي التي تهوى وهي التي  
تشتهي . . . ولكنك أنت لا تميل ولا تهوى ولا تشتهي .  
أنت من وراء ستر الشهوات ومن وراء حجاب الصفة البشرية  
روح مبرأة عن الشهوة عالية على الصفة البشرية لا تميل ولا ترغب .

اليوم التاسع من رأيت الله ♥

موضوع غريب فعلا موضوع الأنا ده...كل واحد يدخل مناقشه تحس أنه حاسس انه الوحيد اللي عارف وفاهم والمناقشات تحمى وكله يقول أنا....ولما تتكلم تلاقى نفسك بنقول أنا فلان ابن فلان وفرحان بنفسك قوي...المدرس فاكر نفسه علامه والمهندس عالم بيواطن الأمور...ممكن يكون مش متعلم أصلا ( أقصد هنا جاهل بالموضوع)ويقاوح في الإقتصاد والعلم....خرج نفسك بره الموضوع شويه....أنت مجرد حاجه في ملكوت الله...ونعم بالله ♥

إلا حينما يرتفع عنك الغطاء لحظة رؤيتي فتموت عن نفسك المزروجة  
الوهمية وتصحو على حقيقتك وتجد نفسك الحقيقية التي ليست بذات  
ولا موضوع وإنما محض روح بسيطة جوهر فرد متعال على الانقسام  
لا نسبة له إلا إلى . . فأنت لا تعود تقول أنا . . وإنما تقول أنت ربي . .  
وقد علمت أن الأنا لي وأنتك عبيدي .  
يقول الله للعارف .

يا عبيدي إذا رأيتني فلا أنت . . وإذا لا أنت فلا طلب وإذا  
لا طلب فلا سبب وإذا لا سبب فلا نسب وإذا لا نسب فلا حجة .



الأنا

كلمة أنا لا يقوفا إلا كل صاحب غفلة وكل من كان محجوباً  
عن الحقيقة .  
تقول « أنا » وأنت محجوب عنى وأنت منصرف إلى الدنيا تتخطفك  
الأشياء كل منها يدعوك إلى ذاته وأنت في غيبة عنى .  
فإذا رأيتني وإذا بدوت لك فلا أنا إلا أنا .  
جعلت لكل شيء وجهاً وجعلت وجهك « حيك لنفسك » وهو  
ما أورثك وهم الأنا والأناية . . وما الذات إلا لي وما الأنا إلا لي . .  
أنا الذي هو أنا . . أما حقيقتك فهي ليست بذات ولا موضوع . .  
وإنما أنت واقع في هذه القسمة الوهمية بسبب طريقتك في التفكير  
والإدراك التي تقسم كل شيء إلى نفس مدركة وموضوع مدرك فأنت  
في كل لحظة مزدوج . . أنت في كل لحظة منقسم إلى شاهد ومشهود . .  
إلى نفس مدركة وموضوع مدرك . . أما حقيقتك فمتوارية خلف هذا  
الازدواج متعالية عليه . . فأنت لست بذات ولا موضوع وإنما أنت  
روح من روجي لا نسبة لك إلا إلى . . وأنت لا تكتشف هذه الحقيقة

اليوم الثامن من رأيت الله ♥

في أي مشكلة مع حد قريبيك أو مجرد شخص سابق عربيتيه وكسر عليك...جرب مره تخرج نفسك بره الموضوع وتشوف نفسك أنت والشخص ده من بعيد...التجربة أثبتت أنك هنتعاطف مع الشخصين وهتلاقى نفسك مش بس متسامح لأقصى الحدود بل بالعكس كمان إيجابي وعايز تساعد...جرب...هتلاقى روحك الطيبه بفطرتها هي اللي بتتعامل...وساعتها هتقول ونعم

بالله ♥



والصفة البشرية بما فيها من شهوات وأهواء ورغبات ونزوات هي  
الأخرى ابتلاء وامتحان لِتَوَجُّه الروح .  
لا وجود للصفة البشرية بالأصالة وإنما هي الإغراء الذي تختبر به  
الروح وتعرف به رتبته .  
هل تدرك الروح نسبتها إلى الله وتتوجه إليه بكل حبا وشوقها أم  
يجرها الجسد إلى شهواته .  
هنا الامتحان .

اليوم السابع من رأيت الله ♥

الصيام فرض في الإسلام.... لو فكرنا في أحكامه ونواقضه وووووو كل مواضيع البرامج الدينية بتاعت رمضان ...كل ده  
تمام بس مش ده المطلوب!!!!!!

الصوم هو محاولة تفكر بيها نفسك بنفسك الحقيقيه ...أحنا أرواح ...مش أجساد...والروح لما بتفكر نفسها الحقيقية ...ساعتها  
بس هتشوف وتسمع وتحس الجمال والحكمة ...وهتقول رأيت الله...ونعم بالله ♥

وهنا حكمة الصوم . . فهو إعلان الروح عن نفسها وعن قدرتها  
على قمع الجسد الذي ابتليت به . . والصائم برفضه الطعام يكون قد  
عرف نفسه ورد لها اعتبارها بصفتها روحاً لا تأكل ولا تشرب .

ليوم السادس من رأيت الله ♥

أحيانا بتسود الدنيا وبتقل الفلوس ويبعد عنك الناس اللي كنت ساند عليهم...تحاول تلاقي أي مخرج متلاقيش...فترجع لوحدهك  
...أنت وبس...هنا بيكون قدامك خيارين..أما تكون غبي وتوقف عقلك وروحي وتتعمي وساعتها تكفر بالله ووجوده أو تركز  
كويس ...كويس قوي....هتسمع ربنا بيقولك ...أنا موجود و مستنيك وعايزك تشفني....تسمع ربنا بيقولك (ولسوف يعطيك ربك

فترضى)....الله...ونعم بالله ♥

يقول الله لعبده :

خلقتك لى . . لجوارى . . لتكون موضع نظرى ومحل عنايتى .  
وبنيت حولك سداً من كل جانب غيرة عليك .  
ثم أردت أن أمتحنك ففتحت لك فى السد أبواباً بعدد ما خلقت  
وبعدد ما أبديت من جواذب الإغراء .

اليوم الخامس من رأيت الله ♥

فى عز الحزن وعز الفرح عينيك بتدمع وجسمك بيقشعر وتحس بطاقه قوة غريبه بتعزلك عن الدنيا...وقتها بتكون روحك هى اللى بتحس مش جسمك ....الروح اللى بعيد عن شهوات الدنيا هتلاقيها سارحه فى ملكوت الله...فعلا ونعم بالله

كيف تنظر إلى السماء والأرض والشمس والقمر وإلى كل شيء  
وذاك أن تنظر إليها بادية منى تسبح بحمدى وتقول . . ليس كمثله  
شيء . . . لا تذهب عن هذه الرؤية تحتطفك المرئيات ولا تخرج  
صفتك عن هذه الرؤية تحتطفك صفتك .

إن لم تخرج صفتك عن هذه الرؤية كتبت على جبينك ولايتى  
وأشهدتك أنى معك أين كنت وأوقفتك فى مقام العصمة وأثبت فىك  
حشمة من الشهوات وحياء من تناول العادات .

إنما أظهرت الشهوات حجاباً عليك لامتحان محبتك فإن اخترتنى  
دون جميع شهواتك كشفت لك عن ذاتك وما عدت أسترک بشهوة . .  
إنما الشهوة تأتیک من ناحية جسدك . . أما ذاتك فقد خلقتها خالصة  
مبراءة لا تميل إلا لى وحدى .

♡ اليوم الرابع من رأيت الله

بنؤمن جدا بالحب والكره وبنعرف نوصف أد أيه بنحب ناس وبنكره ناس من غير أسباب مقنعة غير أنها جت كده....يعني أبنيك  
ميكنش حلو أو بنتك تكون سخيقة بس تخاف عليها وتبقى مستعد تموت عشانها...المشاعر مبتتمسكش...بس بتتتحس  
رؤية ربنا كمان بتتتحس....كفاية أنك تحس أنه هو اللي خلق المشاعر دي....فعلا ونعم بالله

لا يقصد رؤية العين . . وإنما رؤية العقل والبصيرة والإحساس . .  
الإحساس بالحضرة الإلهية بالمكابدة . . كما تكابد الشوق والحب  
دون أن تعرف له وصفاً ولا تعبيراً . . وهو مع ذلك يملؤك من الرأس  
إلى القدم . .  
رؤية الحكمة النهائية من حركة الحوادث . .  
قراءة المعنى الشفري للدقائق والتفاصيل التي تمر عليك في حياتك  
مما كنت تتصور أنها مصادفات عفوية ثم تكتشف أن كل تفصيل  
كان له دور وكل حادثة كان لها مغزى في تسطير الحكمة والغاية البديعة  
وراء كل فعل تفعله .  
كل هذا هو رؤية لله في فعله .

اليوم الثالث من رأيت الله....

أول ما بنشوف حاجه حلوه بنقول الله وحتى الكافر بيقول الله...الغريبه مش كده على أد ما لغريب ان كل الناس وكل الطوائف  
وكل الأديان وكل الجنسيات وكل اللغات بتقول الله

God,lord,OMG

الله على الجمال.....فعلا ونعم بالله ♡

تراه في كل هذا وتقول . . الله . . تقولها ولو كنت كافراً . . ينطق  
لسانك بالرغم عنك أمام الجمال ليقول . . الله . . كما تصرخ حينما  
تتلوى بالألم . . وتقول يا رب . . يا لطيف . . وإن لم تكن تؤمن بالرب  
أو تعتقد في لطف اللطيف . . ولكنه صوت قلبك الذي رأى طابع الإله  
وأثر يديه على مخلوقاته . .

اليوم الثاني من رأيت الله... أن ترى هداية الله وترتيب أحداث حياتك... فتدابير الله في حياتنا تجعلنا نقول ونعم بالله ♥  
كان حاسبها كويس ومخطط جدا لكل خطوة وضامن أنه مليون في المية كسبان وفجأة جد جديد وخسر الوظيفة ومش عارف ليه  
وبدل مايشغل في الوظيفة اللي هو عايزها لقيت نفسك بتسلي نفسك في كورس تنمية بشرية وبالصدفة قعد جنبك واحد بعد ١٠  
سنين بقى صاحبك اللي زي أخوك ونسيبك وشريكك في شركتكم الناجحة

أتدرى كيف تلقاني وحدك . . أن ترى هدايتي لك بفضل لا أن  
ترى عملك وأن ترى عفوى لا أن ترى علمك .  
رد على علمك وعملك آخذه بيدي وأثمره ببركتي وأزيد فيه  
بكرمي .

هناك عقل خفي ومدبر خفي هو الذى اصطنع كل تلك الحيل الماكرة  
وزود بها مخلوقاته . . .  
ولا يحل الإشكال أن نسمى هذه القوة الخفية . . . الطبيعة . . .  
فإنا لا نفعل بذلك أكثر من أننا نهرب من لفظ إلى لفظ . . . نهرب  
من لفظ « الله » إلى لفظ « الطبيعة » . . . دون أدنى تغيير فى المعنى . . .  
فلفظة الطبيعة فى توظيفها الجديد تعنى المعنى نفسه . . . الذات العاقلة  
المدبرة الحكيمة المهيمنة الخالقة المعنوية بمخلوقاتها . . .  
هى المكابرة والعناد والاستعلاء على أن نعترف بأن « الله خلق » . . .  
فنقول « الطبيعة خلقت » . . .  
جحود للآيات الواضحة برغم إحساسنا بصدقها . . .  
« وَجَحَدُوا بِهَا وَاسْتَيْقَنَتْهَا أَنفُسُهُمْ ظُلْمًا وَعُلُوًّا » . . .  
وغرور عقلنا المحدود أمام الكون اللامحدود . . .  
وما أشع غرور ذلك الذى يمرض ويشيخ ويموت دون أن يستطيع  
كل علمه أن يفعل له شيئاً . . .  
وما أحوجه إلى لحظة تواضع وخشوع واعتراف بالحق . . .  
إنه غرور العقل الذى يطلب الدليل على كل شىء ولو كان واضحاً  
مثل نور النهار . . . والله أوضح من نور النهار . . .